



Na osnovu člana 16. Zakona o dopunskim pravima branilaca i članova njihovih porodica, drugi prečišćeni tekst, ("Službene novine Tuzlanskog kantona", broj: 10/20), člana 22. Odluke o ostvarivanju povoljnijih uslova za samozapošljavanje i zapošljavanje branilaca i članova njihovih porodica na području Tuzlanskog kantona, broj: 02/1-02-04-007165-22 od 19.04.2022. godine, Ministarstvo za boračka pitanja Tuzlanskog kantona objavljuje

**JAVNI POZIV**  
**za dodjelu bespovratnih finansijskih sredstava u svrhu**  
**ZAPOŠLJAVANJA branilaca i članova njihove porodice Tuzlanskog kantona**

**I Korisnici prava po ovom javnom pozivu**

(1) Pravo na dodjelu finansijskih sredstava u svrhu zapošljavanja branilaca i članova njihove porodice (u daljem tekstu: sredstva) po ovom javnom pozivu imaju:

- a) fizička lica koja obavljaju, obrtničku ili srodnu djelatnost u skladu sa Zakonom o obrtu i srodnim djelatnostima („Službene novine Federacije Bosne i Hercegovine“, br. 75/21), Uredbom o vezanim i posebnim obrtima („Službene novine Federacije Bosne i Hercegovine“, br. 66/09, 62/10 i 16/12) i Uredbom o zaštiti tradicionalnih i starih obrta („Službene novine Federacije Bosne i Hercegovine“, br. 66/09, 38/10 i 16/12) ili
- b) privredna društva registrovana kod nadležnog organa shodno Zakonu o privrednim društvima (Službene novine Federacije Bosne i Hercegovine“, broj: 81/15 i 75/21).

(2) Lica iz stava (1) ove tačke pravo na sredstva mogu ostvariti samo ukoliko izvrše zapošljavanje lica iz člana 1. Zakona o dopunskim pravima branitelja i članova njihovih obitelji, odnosno članove porodica šehida, poginulih, umrlih i nestalih branilaca; ratne vojne invalide; dobitnike ratnih priznanja i odlikovanja; demobilisane braniocce, mirnodopske vojne invalide, kao i članovi porodice ratnog vojnog invalida, dobitnika ratnog priznanja i odlikovanja, mirnodopskog vojnog invalida i demobilisanog branioca, a koji se nalaze u evidenciji JU Službe za zapošljavanje Tuzlanskog kantona (u daljem tekstu: Služba), kao nezaposlena osoba neprekidno i neposredno duže od 30 dana prije objavljivanja ovog javnog poziva.

**II Planirana grantovi**

(1) Planirana sredstva za zapošljavanje dodjeljivat će se kao:

- a) grant po 30.000,00 KM za program čija je investicija minimum 60.000,00 KM, a minimalan broj novouposlenih tri,
- b) grant po 20.000,00 KM za program čija je investicija minimum 40.000,00 KM, a minimalan broj novouposlenih dva i
- c) grant po 10.000,00 KM za program čija je investicija minimum 20.000,00 KM, a minimalan broj novouposlenih jedan.


(2) Privredno društvo ili registrirana lica koja obavljaju obrtničku ili srodnu djelatnost mogu aplicirati samo za jedan grant.

(3) U slučaju zapošljavanja lica u statusu ratnog vojnog invalida /demobilisanog branioca/dobitnika najvećeg ratnog priznanja i odlikovanja kao direktnih učesnika odbrambeno oslobodilačkog rata, odobreni iznos se uvećava za 50% po zaposlenom licu.

**III Uslov za dodjelu sredstava**

(1) Pravo na dodjelu sredstava po ovom javnom pozivu ima lice iz pod uslovom da:

- a) je registrovano kod nadležnog organa shodno Zakonu o privrednim društvima, Zakonu o obrtu i Uredbi o vezanim i posebnim obrtima, te obrtnici koji obavljaju obrtničku djelatnost u skladu sa Uredbom o zaštiti tradicionalnih i starih zanata,
- b) ima sjedište, djeluje i/ili radi na prostoru Kantona,

- 
- c) planira otvaranje novih radnih mjesta na koja bi zaposlilo lica iz člana 3. stav (1) ove odluke,
  - d) je po strukturi kapitala sa najmanje 51% privatnog kapitala,
  - e) da je izmirilo ili ugovorom reprogramiralo obaveze prema fondovima (porezi i doprinosi) zaključno sa 31.12. prethodne godine,
  - f) da je za realizaciju poslovnog programa obezbijedio vlastita sredstva najmanje od 50% predviđenih ulaganja u investiciju i
  - g) u poslednjih šest mjeseci, do dana objavljivanja javnog poziva pa do isteka ugovornog perioda, nije smanjilo broj zaposlenih lica, osim u slučajevima opravdano upražnjenih radnih mjesta (otkaz na vlastiti zahtjev radnika, penzionisanje, nesposobnost za rad).

#### **IV Ograničenje prava na dodjelu sredstava za zapošljavanje**

Pravo na dodjelu sredstava po ovom javnom pozivu nema Lice iz tačke i ovog javnog poziva koji:

a) je u periodu od pet godina prije objave javnog poziva koristilo kreditna ili bespovratna sredstva iz poticajnih mjera Službe, budžeta bilo kojeg nivoa vlasti, a nije ispoštovao obaveze u skladu sa zaključenim ugovorom, odnosno nije zaposlilo predviđeni broj radnika i ne vraća redovno dodjeljena sredstva,

b) je u periodu od pet godina prije objave javnog poziva koristilo sredstva za samozapošljavanje/zapošljavanje po prethodnim programima ovoga Ministarstva, a za ista nije istekao ugovoreni rok,

c) ne izmiruje redovno obaveze po osnovu javnih prihoda,

d) je evidentirano u Registru novčanih kazni zbog duga i neplaćenih novčanih kazni i troškova izrečenih radi učinjenog prekršaja jer sa zaposlenikom nije zaključio ugovor o radu („rad na crno“),

e) ima pokrenut postupak stečaja ili likvidacije,

f) ima registrovanu djelatnost koja je iz oblasti priređivanja igara na sreću,

g) je u statusu organa uprave i upravnih organizacija, službi za upravu, drugih organa i institucija Kantona grada i općina, javnih ustanova i drugih pravnih lica čiji su osnivači Kanton, grad ili općina, kao i privredna društva, javna preduzeća u kojima Kanton, grad ili općina ima većinski vlasnički udio,

h) je direktni ili indirektni korisnik sredstava Budžeta i čiji prihodi su preko 50% sredstava iz Budžeta,

i) je u ranijem periodu koristilo pozajmice od Vlade Kantona, a iste nije vratio ili na drugi način regulisao,

j) ima registrovanu djelatnost pružanja ugostiteljskih usluga iz skupine „barovi“ vrste „caffè bar“ i

k) ima registrovanu djelatnosti na malo odjećom u specijalizovanim prodavnicama (TR butik).

#### **V Kriteriji za dodjelu sredstava za zapošljavanje**

Lista kandidata se utvrđuje na osnovu ostvarenog broja bodova utvrđenog po osnovu sljedećih kriterija:

a) vlastito učešće u konstrukciji finansiranja poslovnog programa,

b) vrsta djelatnosti i

c) broj novouposlenih lica iz poslovnog plana.

#### **VI Prioritet za dodjelu sredstava za zapošljavanje**

Ukoliko na preliminarnoj rang listi dva ili više lica imaju isti ukupan broj bodova, prednost kod dodjele sredstava ima kandidat koji:

a) zapošljava veći broj novouposlenih lica i

b) ima registrovanu pretežno proizvodnu djelatnost.

#### **VII Način isplate odobrenih sredstava**

(1) Sredstva odobrena licu za zapošljavanje mogu se isplatiti tek kada kandidat potpiše ugovor kojim se obavezuje da će ista utrošiti namjenski prema podnesenom zahtjevu.

(2) Ugovor iz stava (1) zaključuje se na period od najmanje 24 mjeseca.

(3) Sredstva odobrena za zapošljavanje isplaćuju se poslodavcu prema dostavljenom predračunu ili računu za plaćanje osnovnih sredstava za rad, nabavku opreme, alata, repromaterijala i dr., kao i za plaćanje poreza i doprinosa za novouposlena lica i dr..

(4) U realizaciji odobrenih sredstava korisnici prava 20% sredstava, od ukupog odobrenog iznosa, mogu koristiti za ostale troškove koji nisu navedeni u stavu (3) ove tačke.

### **VIII Obaveze poslodavca**

(1) Poslodavac koji koristi sredstva ne može tokom ugovorenog perioda smanjiti broj zaposlenih u odnosu na broj zaposlenih koji je imao na dan 31.03. tekuće godine uvećan za broj novozaposlenih lica.

(2) Ako tokom trajanja radnog odnosa nastupe okolnosti uslijed kojih poslodavac ne ispunjava neki od uslova iz tačke I ovog poziva, poslodavac gubi pravo na sredstva danom prestanka ispunjavanja uslova i dužan je u roku od 30 dana od dana prestanka ispunjavanja uslova Ministarstvu vratiti cjelokupan iznos sredstava.

(3) Ako Služba, nadležna inspekcija ili porezna uprava utvrde da je došlo do smanjenja broja zaposlenih i da poslodavac nije postupio u skladu sa tačkom I ovog poziva, poslodavac je dužan da pored vraćanja iznosa iz stava (2) ovog člana uplati i pripadajuću zakonsku kamatu u skladu sa važećim propisima.

(4) Za vrijeme trajanja perioda za koji prima sredstva, poslodavac ne može smanjiti broj zaposlenih lica, osim iz razloga više sile (elementarne nepogode, požar, donošenje i izmjena propisa koji direktno utiču na poslovanje poslodavca), penzionisanja ili dobrovoljnog otkaza zaposlenika.

(5) Ako tokom perioda za koji se osiguravaju sredstva poslodavac raskine ugovor o radu sa primljenim licem dužan je u roku od tri dana o tome obavijestiti Ministarstvo, te može u roku od 15 dana od dana nastanka te okolnosti zaključiti ugovor o radu sa drugim nezaposlenim licem koje ispunjava uslove iz Odluke o utvrđivanju uslova, kriterija i postupka za dodjelu finansijskih sredstava u svrhu osiguravanja povoljnijih uslova za zapošljavanje branilaca i članova njihove porodice, na preostali period ugovorne obaveze.

(6) U slučaju zaključivanja ugovora o radu sa drugim (zamjenskim) nezaposlenim licem poslodavac je dužan odmah, a najkasnije u roku od tri dana od dana zaključenja ugovora dostaviti kopiju ugovora o radu i kopiju prijave na obavezna osiguranja (Obrazac JS 3100) Ministarstvu i Službi.

### **IX Potrebna dokumentacija u svrhu zapošljavanja**

Uz zahtjev za dodjelu bespovratnih sredstava u svrhu zapošljavanja (Anex 6. ) , kandidat je obavezan priložiti sledeću dokumentaciju:

#### **ANEX 7.**

**Popis potrebne dokumentacije  
po javnom pozivu za učešće u projektu ZAPOŠLJAVANJA  
branilaca i članova njihove porodice Tuzlanskog kantona**

Redni broj:	Naziv dokumenta	Organ koji ga izdaje dokument
(1)	Rješenje o registraciji privrednog društva odakle se jasno može utvrditi da je registriran i oblik vođenja djelatnosti ( <i>original ili ovjerena fotokopija</i> )	Kantonalni sud
(2)	Rješenje o registraciji od nadležnog općinskog organa odakle se jasno može utvrditi da je obrt registriran i oblik vođenja djelatnosti ( <i>original ili ovjerena fotokopija</i> )	Nadležni gradski/općinski organ
(3)	Poslovni program za obavljanje djelatnosti (Anex 8. priloga), Izjavu - (Anex 9. priloga) i Punomoć - (Anex 10. priloga)	Ministarstvo za boračka pitanja

(4)	Uvjerenje/potvrdu o urednom izmirenju indirektnih obaveza i direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od tri mjeseca od dana podnošenja prijave ( <i>original ili ovjerena fotokopija</i> )	Uprava za indirektno oporezivanje, Porezna uprava F BiH Ispostave porezne uprave Grada/općine
(5)	Uvjerenje o poreznoj registraciji – ID broj ( <i>original ili ovjerena fotokopija</i> )	Porezna uprava F BiH Ispostave porezne uprave Grada/općine
(6)	Potvrdu o izmirenju ili ugovorom reprogramiranih obaveza po osnovu poreza i doprinosa (iz Poreske uprave - Kantonalni ured u Tuzli)	Porezna uprava F BiH Ispostave porezne uprave Grada/općine
(7)	Lista osiguranih lica za obveznika uključujući i podatak o objavljenim licima i dokaz o razlozima objave (odluka, rješenje,...) za posljednjih šest mjeseci do dana objavljivanja javnog poziva	Porezna uprava F BiH Ispostave porezne uprave Grada/općine
(9)	Uvjerenje JU Službe za zapošljavanje da je ranije korištena sredstva za samozapošljavanje namjenski iskoristio	JU Služba za zapošljavanje

#### **X Rokovi za podnošenje zahtjeva**

(1) Prijave na javni poziv sa potrebnom dokumentacijom, podnose se putem Ureda za zajedničke poslove kantonalnih organa uprave, Ministarstvu za boračka pitanja, u roku od 30 dana od dana objavljivanja javnog poziva.

(2) Obrazac jednoobraznog zahtjeva zainteresovani kandidat može preuzeti na/u:

- web-stranici Ministarstva,
- Ministarstvu i
- općinskim službama za boračko invalidsku zaštitu.

(3) Popunjeni obrazac jednoobraznog zahtjeva sa svim priložima predaje se putem pošte ili na pisarnicu Ureda za zajedničke poslove kantonalnih organa uprave, Ministarstvo za boračka pitanja

Tuzlanskog kantona,  
Rudarska broj: 57., 75 000 Tuzla

[sa naznakom]

*"Prijava na javni poziv za dodjelu finansijskih sredstava u svrhu  
zapošljavanja branilaca i članova njihove porodice"*

**Javni poziv je otvoren počev od 25.04.2022. godine do 25.05.2022. godine.**

Nepotpuni i neblagovremeni zahtjevi neće se razmatrati.